

## Kódigu Konduta

Dokumentu ida-ne'e mak sei troka fali Kódigu Konduta Blue Ventures nian ne'ebé eziste hela **Juñu 2023**

**Data Revizaun: Juñu 2025**

### Introdusaun

Kódigu konduta ida-ne'e kontein prinsípiu no regra esensial hirak-ne'ebé reflète komportamentu no padraun sira ne'ebé Blue Ventures espera husi ninia traballadór, deponitáriu/trustees sira, voluntáriu sira, estajáriu sira, formandu sira, kontratór sira, konsultór sira, parseiru sira, no representante sira seluk ne'ebé hala'o serbisu ba ka representa organizasaun iha kualkér kapasidade ka vizita ami-nia programa ka eskritóriu sira. Komportamentu hirak-ne'e haforsa liután ita-nia misaun ba prosperidade ba peskadór sira no mós ba tasi no asegura katak ami kria kultura serbisu ida-ne'ebé seguru, iha kompaixaun, no pozitivu ba ami-nia traballadór sira.

Traballadór no representativu sira seluk mak serbisu ba ka representa Blue Ventures iha kualkér kapasidade, frekuentemente serbisu iha pozisaun sira ho poder no iha ne'ebé sira hetan nivel konfiansa ne'ebé aas (iha relasaun ho comunidade ne'ebé ami serbí, organizasaun sira seluk no mós entre sira seluk). Tenke labele abuzu poder no konfiansa ida-ne'e. Ema ida-idak iha organizasaun ida-ne'e, iha obrigasaun no responsabilidade hodi mantein profesionál no padraun étika iha sira-nia konduta kada loraun.

**Kódigu Konduta ida-ne'e aplika 24 oras nia laran kada loraun, loraun hitu kada semana no loraun 365 iha tinan ida-nia laran.** Kódigu Konduta ida-ne'e estabesele enkuadramentu étiku no komportamentu ne'ebé relevante no aplikavel ba ita-nia moris pesoál nune'e mós ba ita-nia serbisu. Ho razaun ida-ne'e, traballadór hotu-hotu no representante sira seluk ne'ebé serbisu ba ka representa Blue Ventures iha kualkér kapasidade ruma presiza asina deklarasaun ida bainhira hahú sira-nia envolvimentu ho BV (iha dokumentu ida-ne'e nia rohan) hodi konfirma katak sira lee tiha ona no kompriende ona Kódigu Konduta ida-ne'e no konkorda atu kumpra iha momentu hotu-hotu.

**Blue Ventures aplika zero toleránsia ba hahalok ne'ebé kontra ninia valór prinsipál sira no mós Kódigu Konduta. Kualkér violasaun ruma ba Kódigu Konduta ida-ne'e sei trata ho sériu tebetebes haktuir ba BV nia polítika relevante sira, inklui hetan asaun dixiplinár.**

## Prinsípiu Prinsipál sira

1. Ami-nia abilidade atu atinje ami-nia meta sira, dala barak iha ambiente ne'ebé kompleksu ne'e iha ligasaun ho oinsá ami komporta no liuliu, nivel konfiansa ne'ebé tula ona mai ami. Konfiansa ne'ebé fó mai ami, depende tebes ba traballadór sira hotu (no representante sira seluk mak serbisu ba ka representa Blue Ventures iha kualkér kapasidade) tane aas no promove padraun sira liuhusi hahalok no simu sira-nia responsabilidade ba salva-guarda.
2. Blue Ventures nia serbisu profundamente bazeia ba ezekusaun valór no prinsípiu sira ho loloos; buat-hirak ne'e tenke hatudu hudi traballadór sira hotu no representante sira seluk mak serbisu ba ka representa Blue Ventures iha kualkér kapasidade. Bainhira ita falla atu komporta konsistentemente tuir ita-nia valór no prinsípiu sira, ita falla atu hatudu ita-nia komportamentu nu'udar organizasaun ida.

3. Ami presiza traballadór hotu-hotu BV nian no ninia representante sira atu halo tuir Lei sira, kostume no tradisaun sira iha nasaun hirak-ne'ebé sira serbisu ba.
4. Pesoál, ekipamentu no finansas hotu-hotu tenke utiliza ho forma apropriadu no efikás haktuir ba objetivu iha ne'ebé sira dezigna ba.
5. Traballadór hotu-hotu no representante sira seluk mak serbisu ba ka representa organizasaun iha kualkér kapasidade tenke relata kualkér poténsia ba insidente, abuzu ka preokupasaun saida de'it mak sira hatene liuhusi sistema hato'o keixa ne'ebé apropiada no/ka relata ba jerente superior ida iha Blue Ventures.
6. Karik ita-boot nu'udar lider ka jerente ida, ita-boot iha responsabilidade partikulár atu sai hanesan modelu ezemplár ida husi padraun hirak-ne'ebé espera no mós [kompeténsia](#) [kompportamentu lideransa](#), kria ambiente serbisu ida-ne'ebé apoia ema ida-idak atu tane aas padraun hirak-ne'e, no apropiadamente hatán ba violasaun sira ba Kódigu Konduta ida-ne'e.

## Kódigu Konduta

### Konduta Étiku

7. Espera atu ita-boot hatudu hahalok tuir valór sira Blue Ventures nian no hatudu asaun ho onestu, transparénsia, respeito no responsabilidade hasoru kolega traballadór sira, parseiru sira, doadór sira, no mós parte interesada sira.
8. Ita-boot sei asegura katak ita-boot nia komportamentu sira la hamosu risku, tristeza ka estragu la nesesáriu sira no mós la enkoraja ka permite hahalok hirak-ne'ebé labele aseita husi ema seluk nia parte.
9. Ita-boot tenke kumpre polítika sira hotu Blue Ventures nian
10. Ita-boot tenke luta ba tane aas padraun sira iha ita-boot nia serbisu
11. Ita-boot iha responsabilidade ba ita-boot nia asaun sira.
12. Ita-boot iha ona konxiénsia no labele abuzu ita-boot nia podér pozisaun nian nu'udar representante ida Blue Ventures nian.
13. Ita-boot labele komporta iha maneira ne'ebé hatún ita-boot nia abilidade atu halo ita-boot nia serbisu ka provavelmente hamosu deskréditu ba Blue Ventures.
14. Ita-boot labele hemu tua ka uza kualkér substánsia sira iha maneira ida-ne'ebé afeta ita-boot nia abilidade atu hala'o ita-boot nia papél ka tau reputasaun Blue Ventures nian iha risku.

### Kumprimentu ba Lei no Regulamentu sira

15. Ita-boot tenke kumpre polítika no prosedimentu sira hotu Blue Ventures nian ne'ebé aplikavel.
16. Ita-boot labele iha, no mós labele hetan lukru husi fa'an, sasán ka substánsia ilegál sira.
17. Ita-boot tenke laiha kualkér koneksaun ho atividade terrorista nian ka Parte hirak-ne'ebé Proibidu.
18. Ita tenke labele envolve iha kualkér tranzasaun finansas (pesoalmente ka ho Blue Ventures) ka envolve iha atividade sira ne'ebé apoia parte hirak-ne'ebé proibidu (ezemplu: organizasaun ka pesoál ida-ne'ebé proeskrita ka dezignadu iha lista governu nian katak legalmente BV tenke labele asoiadu ho nia).
19. Ita-boot tenke labele uza ita-boot nian rasik ka Blue Ventures nia osan ka propriedade sira ba objetivu terrorista nian.

20. Ita tenke la bele fó sai ba ema seluk, kualkér informasaun privadu no konfidensial ruma relasiona ho Blue Ventures (ka ba buat ne'ebé ita responsavel) anaunser preziza duni legalmente.

### Impaktu Ambiental

21. Ita-boot sei kumpre lei, regulamentu, no padraun sira hotu ambiente nian ne'ebé aplikavel iha rejiaun iha-ne'ebé ita halo operasaun ba.
22. Ita-boot sei promove utilizasaun ho efikas ba rekursu natural sira husi Blue Ventures.
23. Ita-boot sei minimiza impaktu ambiental nian, inklui poluisaun bainhira halo viajen, halo akizisaun no serbisu ho Blue Ventures no parseiru sira.

### Konflitu de Interesse

24. Ita-boot sei haka'as aan hodi evita kualkér situasaun ne'ebé bele kontribui ba konflitu interesse real ka hamosu konflitu de interesse. Karik ita-boot iha interesse pesoal ka finansas ne'ebé bele afeta ita-boot nina serbisu ka Blue Ventures nia reputasaun, ita-boot tenke hateten sai ba ita-boot nia jerente ho lalais.
25. Ita-boot la bele envolve iha kualkér relasaun negosiu hodi Blue Ventures nia naran ho familia, kolegas ka kontaktu pesoal/profisional sira seluk kona-ba fornimentu kualkér sasan ka servisu ba Blue Ventures ka kualkér kazu relasionadu sira ho empregu sein iha autorizasaun husi Diretor Nasional (ka Diretor Rejional senu kazu Diretora Nasional) ka Xefe Oficial Operasaun ba traballador sira iha UK.

### Konfidensialidade

26. Ita-boot tenke mantein konfidensialidade informasaun servisu nian relasiona ho organizasaun, nina parseiru, no beneficiariu sira. Ita-boot la bele fó sai ka utiliza sala kualkér informasaun sira hanesan ne'e sein autorizasaun apropiada.

### Diversidade, Ekuidade no Inkluzaan

27. Ita-boot tenke respeita direitu fundamental sira ema hotu nian, ho atensaun espesifiku ba grupu marjinalizadu no diskriminadu sira la haree ba jeneru, defisiensi, etnisidade, orientasaun seksual, lingua, estatutu mediku no karakteristiku sira seluk.
28. Ita-boot tenke serbisu no komporta iha respeito ba diversidade kultura, relijiaun, kostume no fiar husi comunidade hirak-ne'ebé ita serbi no serbisu ba no mos ami-nia parseiru sira. Sei laiha tolerancia ba kualkér tipu diskriminasaun.
29. Ita-boot tenke hatudu respeito, partikularmente liuhusi ita-boot nia komportamentu no lingua, ba fiar relijiaun nian, uzu no kostume, regulamentu, pratika no toman sira husi ema sira iha nasaun laran ka kontestu iha ne'ebé ita-boot iha ba no mos iha ita-boot nia serbisu fatin. BV sei fó orientasaun ba sira ne'ebé halo viajen kona-ba area ida-ne'e.
30. Ita-boot tenke trata ema seluk ho igualdade no respeito iha ita-boot nia vida privadu no profesional.
31. Ita-boot tenke abstensaun husi kualkér konduta ne'ebé ita-boot hatene ka tenke hatene katak la apropriadu, partikularmente relasiona ho ita-boot nia kontestu.
32. Ita-boot la bele partisipa iha kualkér forma diskriminasaun, asediu, intimidasaun, hahalok hamoe ka abuzu (fiziku, seksual, emosional no verbal), hata'uk ka esplorasau, ka iha kualkér maneira ne'ebé infrinje diretu ema seluk nian.

33. Ita-boot tenke ativamente kontribui ba kriasau ambiente serbisu ida-ne'ebé seguru, libre husi asédiu, inklui asédiu seksuál, hata'uk no mós intimidasaun, ba traballadór sira hotu no representante seluk ne'ebé serbisu ba ka hodi Blue Ventures nia naran iha kualkér kapasidade.
34. Tenke kuidadu ho espasu ne'ebé ita okupa hanesan individu no asegu katak espasu ne'e representativu no intraneksional (ezemplu: dezafia organizadór eventu sira no konferénsia sira iha ne'ebé laiha diversidade husi oradór sira no enkoraja sira atu halo liután.
35. Respetivamente dezafia kondisaun atuál (*status quo*).
36. Apoia malu hodi levanta kazu sira sein hetan akuzasaun atu hamosu konfliktu.
37. Tuur ho neon kraik – hodi rekoñese katak la'ós ema ida-dak sei iha vizaun ba mundu ida-ne'e hanesan ho ita-boot.

### Utilizasaun Rekursu sira

38. Ita-boot tenke uza rekursu sira Blue Ventures nian, inklui tempu, fundus, ekipamentu no patrimóniu sira ho responsabilidade no efisiénsia. Ita-boot labele uza buat hirak-ne'e hodi mana ka hetan benefísiu pesoál.
39. Ita-boot tenke jere ho kuidadu Blue Ventures nia rekursu finanseiru no rekursu sira seluk, asegu katak la utiliza sala buat hirak-ne'e no hetan protesau husi ema na'ok ten, fraude no estragus.
40. (Exetu saláriu empregu/serbisu nian), ita-boot, ita-boot sira-nia família no belun sira ne'ebé besik (inklui sira-nia kaben, parseiru no hirak-ne'ebé uza hamutuk propriedade ne'ebé hanesan) la hetan benefísiu finanseiru pesoál husi despeza ka operasaun projetu nian, ezemplu: hanesan rendimentu adisionál husi akomodasaun, fornimentu sasán/bens ou servisu sira.
41. Ita-boot labele simu subornu ou presente ruma, exetu símbolu ki'ik oan ruma (laiha/menus valór finanseiru) nu'udar apresiasau ida husi governu, ema ne'ebé ita serbí, doadór, fornecedor ka ema sira seluk, ne'ebé oferese tanba Ita-boot nia servisu ka papél representativu seluk ho Blue Ventures.
42. Ita-boot tenke labele husu ka ezije kualkér pagamentu pesoál ruma, servisu ka favór ruma husi ema seluk, liuliu husi comunidade hirak-ne'ebé Blue Ventures serbí, hodi selu ita-boot nia ajuda, apoiu, sasán ka servisu.

### Salva-guarda

43. Ita-boot sei kompleta formasaun obrigatóriu hotu-hotu kona-ba salva-guarda.
44. Ita-boot tenke respeita direitu ba privasidade pesoál husi comunidade sira ne'ebé ita serbí.
45. Ita-boot tenke fó-hatene ba ita-nia kolega traballadór sira kona-ba ita iha ne'ebé no saida mak ita-boot halo bainhira serbisu ho labarik no adultu vulneravel sira.
46. Ita-boot labele hatudu favoritizmu, ne'ebé inklui fó presente pesoál ba ema ne'ebé ita serbí.
47. Ita-boot tenke labele esplora, halo abuzu ka asédiu, iha kualkér forma, ba membru comunidade, parseiru sira ka kolega traballadór sira.
48. Ita-boot labele triivaliza/konsidera la importante abuzu ba labarik ka abuzu ba ema adultu sira.
49. Ita-boot labele envolve iha relasaun seksuál ho membru comunidade sira ne'ebé servisu ho ami, anaunser uluk kedas ita-boot hanesan rezidente ida ka sai ona comunidade ne'e ninia

rezidente lejítimu ba tempu naruk ho nune'e ita-boot nia relasaun sei la levanta ho razaun abuzu podér.

50. Ita-boot la envolve iha kualkér forma tranzasaun seksuál ruma. Tranzasau seksuál refere ba relasaun sira ne'ebé uza atu hetan favór seksuál hodi fó no/ka simu prezente ruma, osan, oportunidade empregu ka servisu seluk.
51. Ita-boot tenke labele envolve iha kualkér forma relasaun seksuál prostitutu nian.
52. Ita-boot tenke labele kaer metin informasaun sira kona-ba kualkér kondensasaun kriminál, akuzasaun ka prosesu sivil, inklui kualkér informasaun relasiona ho labarik sira, ema-boot vulneravel sira ka abuzu ba ema ruma ne'ebé ami apoia, ka ida-ne'e relevante ba ita-boot nia abilidade atu hala'o ita-boot nia knaar, ka bainhira ita-boot tama iha Blue Ventures ka ne'ebé mosu durante ita-boot nia tempu servisu ho Blue Ventures ka durante períodu ne'ebé ita-boot representa Blue Ventures ho kualkér kapasidade.
53. Ita-boot labele envolve iha atividade seksuál ho kualkér ema ruma ne'ebé ho idade menus husi tinan 18, la haree ba idade konsentimentu ka kostume lokál.
54. Ita-boot labele envolve iha prátika aat no tradisionál sira, inklui mutilasaun Jenital ba Feto sira, Kaben Labarik sira no Kaben Obrigatóriu.
55. Ita sei la uza ema ruma ne'ebé idade seidak atinje tinan 18 nu'udar traballadór doméstiku.
56. Ita sei la hasai fotografia, halo filme ka gravasaun audio ba labarik sira, la haree ba média ne'ebé ita uza. Úniku exesaun mak bainhira ita-boot nia servisu ezije ida-ne'e no ita-boot hetan ona aprovasaun espresa husi Blue Ventures.
57. Ita-boot tenke asegura katak fó ona formatu konsentimentu informadu ba kualkér imajen ne'ebé foti no utiliza ba ita-boot nia serbisu ho Blue Ventures no mós halo tuir [Matadalan Fotografia BV nian](#).
58. Ita-boot labele haree, download, kria ka fahe materiál ne'ebé la apropiadu, hanesan pornografia, iha Blue Ventures nia komputadór/sistema sira.
59. Ita-boot labele halo aat físicamente, seksuálmente ka emocionálmente ka ameesa atu estraga labarik, adultu vulneravel ka membru comunidade ne'ebé ami serbí.
60. Ita-boot labele haruka mensajen privadu ba labarik ka ema ruma husi comunidade ne'ebé ita serbí ne'ebé ita-boot hasoru ona liuhusi servisu ho Blue Ventures, porezemplu, mensajen privadu iha kanál média sosial sira, anaunser ita-boot mai husi comunidade refere no komunika ho membru família sira.
61. Ita-boot labele interfere ho ema ne'ebé hato'o keixa ka testemuña ruma ka impede netik investigasaun ruma ka inkéritu ruma ne'ebé hala'o a salva-guarda, kolega traballadór ka preokupasaun sira seluk husi comunidade ita serbí
62. Ita-boot labele fó tua ka substánsia perigozu sira ba labarik ka ema-boot vulneravel sira.
63. Ita-boot labele halo buat ruma ho natureza pesoál ba labarik ka ema ruma ne'ebé ita apoia ne'ebé sira na'in rasik bele halo, porezemplu hanesan hariis.
64. Imi labele tau labarik ka ema seluk iha situasaun ne'ebé la seguru.
65. Ita labele husik preokupasaun, alegasaun ka suspeitu kona-ba abuzu ka prátika ne'ebé la di'ak atu la relata.

#### Saúde no Seguru

66. Ita-boot sira tenke kumpre Blue Ventures nia polítika no prosedimentu sira kona-ba saúde no seguru.

67. Ita-boot labele tau iha risku saúde no seguru husi kualkér individuu.
68. Ita-boot prezisa subliña liután kona-ba kualkér área preokupasaun mak relasiona ho saúde no seguransa no asegura katak sira hetan tratamentu ho forma ne'ebé apropriadu ka eskaladu.

#### Aprendizajen no Melloramentu Kontinua

69. Ita-boot tenke kontinua dezenvolve ita-boot nia abilidade no koñesimentu hodi hadi'ak dezempeñu no kontribui ba Blues Ventures nia misaun.

#### Relata Konduta Aat

70. Blue Ventures rekoñese katak atu realiza ami-nia meta ambisiozu sira ba comunidade hirak-ne'ebé ami serbí no ami-nia misaun, ita tenke efetivamente relata no responde ba kualkér hahalok ne'ebé laloos, inklui fraude, violasaun salva-guarda no konduta aat sira seluk. Nune'e, traballadór, parseiru no representativu sira hotu mak serbisu ba ka representa Blue Ventures iha kualkér kapasidade iha knaar atu levanta kualkér preokupasaun ruma (liuhusi kanál hirak-ne'ebé apropriadu) ne'ebé karik sira iha kona-ba nia hahalok ema sira seluk nian ka oinsá ami halo operasaun nu'udar organizaun ida.
71. Karik ita-boot nu'udar lider superiór ka jerente ida, ita-boot iha responsabilidade partikulár atu sai hanesan modelu ezemplár ida husi padraun sira ne'ebé espera, [kompeténsia komportamentu lideransa](#), kria ambiente serbisu ne'ebé apoia ema hotu atu tane aas padraun hirak-ne'e, no responsabiliza ba violasaun kódigu konduta ne'ebé grave liu.
72. Traballadór hotu-hotu tenke labele subar kualkér informasaun kona-ba asidente ka hahalok ne'ebé kontra kódigu konduta ida-ne'e.
73. Karik imi iha pergunta ruma kona-ba aplikasaun prinsípiu sira iha leten ba situasaun pratika, ou karik imi viola kódigu konduta ida-ne'e, favor kontaktu Xefe Servisu Umanu nian.
74. Ami hakarak Blue Ventures sai nu'udar organizaun ida-ne'ebé nakloke, autokritiku, no transparente, no ami kria tiha ona prosedura hato'o keixa nian, Komité Salva-guarda no Relatóriu nian hodi apoia ami-nia kódigu konduta.
75. Karik ita-boot fiar katak iha ema ruma ne'ebé serbisu ba ka ho Blue Ventures la apoia kumpre Kódigu Konduta ida-ne'e, [ita-boot tenke levanta ita-boot nia preokupasaun tuir prosedura espesífiku iha ita-boot nia nasaun](#) ka liuhusi formatu espesífiku ne'ebé disponivel iha intranet karik ita-boot hanesan Traballadór Blue Ventures nian ida.
76. Ba sira ne'ebé la'ós traballadór Blue Ventures nian, imi bele hakerek ba ami-nia Komité Salva-guarda no Relatóriu nian via email ([report@blueventures.org](mailto:report@blueventures.org)) ka haruka SMS ka mensajen WhatsApp ba número **+44 7950 182475**, esplika ita-boot sira-nia preokupasaun iha kualkér língua, no imi tenke inklui imi-nia naran no número telefone ka enderesu email atu ami bele kontaktu ita-boot, anaunser imi hakarak anónimu.
77. Komité Salva-guarda no Relatóriu nian halo atusaun ba interese parte interesada hotu-hotu nian. Komité ne'e sei foti keixa/relatóriu hotu-hotu ho sériu no asegura katak ita-boot nia preokupasaun ne'e hetan konsiderasaun ho kuidadu no mós katak ita-boot rona fila fali iha loron serbisu nian 3 nia laran. Bainhira rekomenda ona atu halo investigasaun ida, investigasaun ne'e sei konklui ho relatóriu ida ba Konsellu Depozitáriu no ita-boot rasik. Karik ita-boot la satisfás ho ninia resposta, ita-boot bele levanta kazu ne'e ba organizaun ka órgaun ne'ebé apropriadu, porezemplu, Polisia, Komisaun Karidade Reinu Unidu nian ka Ajénsia Governu ne'ebé apropriadu iha nasaun ne'ebé ita-boot serbisu ba.

78. Ba traballadór sira Blue Ventures nian, ami enkoraja ita-boot sira atu relata kualkér hahalok sira ne'ebé laloos. Ami sei foti imi-nia keixa sira hotu ho sériu no kompromete halo investigasaun kle'an ba keixa sira hotu. Lei Divulgasaun Interese Públiku Reinu Unidu nian 1998 proteje traballadór sira husi sofre prejuizu ka hetan terminasaun kontratu tanba 'hato'o keixa violasaun'. Ami sei aplika protesau nian hanesan ba ami-nia traballadór sira mak serbisu iha ne'ebé de'it. Mezmu nune'e, tanba prosedimentu ne'e seidak hala'o ho hanoin di'ak/invoka boa fé (ezemplu: tanba razaun aat ruma ka hodi buka ema seluk nia sala), no investigasaun konklui katak keixa ne'e malisioza no perigu. Iha kazu hanesan ne'e, ita-boot bele hetan asaun dixiplinár.

**DEKLARASAUN PESOÁL KÓDIGU KONDUTA**

*HA'U KONFIRMA KATAK HA'U LEE TIHA ONA NO KOMPRIENDE ONA, NO SEI KUMPRE PRINSÍPIU NO ELEMENTU SIRA IHA KÓDIGU KONDUTA IDA-NE'E DURANTE PERÍODU TOMAK NE'EBÉ HA'U SERBISU KA IHA ASOSIADU NO KA REPREZENTA BLUE VENTURES. HA'U KOMPRIENDE KATAK VIOLASAUN BA PRINSÍPIU NO ELEMENTU SIRA HUSI KÓDIGU KONDUTA IHA LETEN, DEPENDE BA GRAU HUSI GRAVIDADE, BELE REZULTA ASAUN DIXIPLINÁR IMEDIATA, NE'EBÉ BELE INKLUI DEMISAUN.*

*HA'U SEI LEVANTA LIUHUSI KANAL APROPRIADU SIRA KUALKÉR ASUNTU NE'EBÉ PARESE ATU VIOLA PADRAUN SIRA MAK KONTEIN IHA KÓDIGU KONDUTA IDA-NE'E.*

**Asinatura** .....

**Naran ho letra boot** .....

**Pozisaun serbisu** .....

**Data** .....